

10. gr.

Skipulagsskrá þessari má því aðeins breyta, að % stjórnar sjóðsins sé því samþykkt og breytingarnar hljóti auk þess samþykki næsta aðalfundar Skógræktarfélags Íslands með $\frac{3}{4}$ greiddra atkvæða.

11. gr.

Með skipulagsskrá þessari fellur úr gildi skipulagsskrá fyrir Landgræðslusjóð nr. 94 frá 18. júní 1946 og viðaukaskipulagsskrár nr. 110 frá 12. september 1955, nr. 64 frá 21. apríl 1964 og nr. 359 frá 28. september 1977.

12. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 14. ágúst 1991.

F. h. r.

Þorsteinn Geirsson.

Fanney Óskarsdóttir.

AUGLÝSING

um breytingar á gjaldskrá Rafmagnsveitu Hveragerðis.

Samkvæmt 25. gr. orkulaga nr. 58, 29. apríl 1967, hefur ráðuneytið staðfest eftirfarandi breytingar á gjaldskrá Rafmagnsveitu Hveragerðis, er tiki gildi 1. september 1991:

Gjaldskrá Rafmagnsveitu Hveragerðis, nr. 135, 18. mars 1991:

Orkugjald, samkv. töxtum C1, C2, C3, D1 og D2 hækki um 5%
Aðrir liðir gjaldskrárinnar verði óbreyttir.

Iðnaðarráðuneytið, 14. ágúst 1991.

F. h. r.

Björn Friðfinnsson.

Guðrún Skúladóttir.

REGLUGERÐ

um gatnagerðargjöld í Hafnarfirði.

1. gr.

Af öllum nýbyggingum, svo og stækkunum eldri húsa hvort sem er á eignar- eða leigulóð í Hafnarfirði, skal greiða gatnagerðargjald til bæjarsjóðs, eftir því sem nánar segir í reglugerð þessari.

2. gr.

Af hverjum rúmmetra húss greiðist ákveðinn hundraðshluti byggingarkostnaðar pr. rúmmetra, eins og hann er hverju sinni á vísitöluhúsinu skv. útreikningi Hagstofu Íslands, að frádregnum kostnaði við gatnagerð pr. rúmmetra svo sem hér segir:

Einbýlishús með eða án tvíbýlisaðstöðu	14%
Parhús, raðhús og tvíbýlishús	9%
Þrívýlishús og þétt byggð	9%
Fjölbýlishús	4%
Atvinnuhús	5%
Annað húsnæði	5%

Rúmmál húss skal reikna skv. ÍST 50.

Bílageymslur og önnur útihús skal telja með við útreikning á rúmmáli húsa. Af sameiginlegum bílageymslum, sem byggðar eru skv. skipulagsskilmálum og koma í stað bifreiðastæða, skal greiða 25% af rúmmetragjaldi þeirra húsa, er þær skulu þjóna.

Af iðnaðarhúsnæði, sem vegna starfsemi sinnar þarf meira en 5,5 m lofthæð, skal hámarkslofthæð að jafnaði reiknast 5,5 m við útreikning rúmmetragjalds.

3. gr.

Gjaldið skal áætla þegar lóðarúthlutun fer fram. Gjald þetta skal vera lágmarksgjald og miðast við nýtingarmöguleika skv. því skipulagi, sem gildir við lóðarúthlutun og endurgreiðist ekki, þótt minna sé byggt á lóð. Innan mánaðar frá úthlutun skal greiða ákveðinn hluta gatnagerðargjalds, skv. ákvörðun bæjarstjórnar, ella fellur úthlutun sjálfkrafa úr gildi.

Bæjarstjórn ákveður gjalddaga og greiðsluskilmála á eftirstöðvum. Gatnagerðargjald af rúmmáli, sem er umfram það sem lágmarksgatnagerðargjald er miðað við skv. framansögðu, fellur í gjalddaga þegar byggingarnefndarteikning er samþykkt og skal greiða það eigi síðar en innan mánaðar. Verði breytingar á byggingarkostnaði vísitöluhússins á þeim tíma, sem líður frá lóðarúthlutun og til þess dags, sem teikning er samþykkt, skal umframgatnagerðargjald greiðast skv. því rúmmetragjaldi, sem gildir þá.

Þegar byggt er á eignarlóð skal greiða allt gjaldið við útgáfu byggingarleyfis.

4. gr.

Ef lóðarhafi rífur gamalt hús eða flytur af lóð og byggir stærra hús á sömu lóð skal gjald skv. 2. gr. vera rúmmetragjald nýja hússins að frádregnum rúmmetrum þess húss, sem fjarlægð er. Sama gildir ef hús brennur og byggt er að nýju á sömu lóð.

Ekki verður rúmmetragjald endurgreitt ef hús er minna en eldra húsið.

5. gr.

Hafi byggingarleyfi fallið úr gildi eða verið fellt úr gildi skal við endurnýjun leyfisins greiða skv. gildandi gjaldskrá af þeim hluta byggingarinnar, sem byggingarleyfi er endurnýjað fyrir, að frádregnu því gatnagerðargjaldi, sem áður hefur verið greitt af sama áfanga.

6. gr.

Ef lóðarhafi ætlar að byggja á lóð í áföngum getur bæjarstjórn heimilað áfangaskiptingu, en þá skal endanlegt gatnagerðargjald vera rúmmetragjald, sem í gildi er, þegar byggingarleyfi hvers áfanga er útgefið. Umsækjandi skal taka það sérstaklega fram í umsókn um úthlutun lóðar, að hann ætli að reisa fyrirhugað mannvirki í áföngum.

Verði heimiluð áfangaskipti, falla áætluð gjöld í gjalddaga á þeim tíma, sem bæjarráð ákveður.

7. gr.

Óski lóðarhafi að skila lóð á hann rétt á endurgreiðslu á greiddu gatnagerðargjaldi, miðað við byggingarvísitölu. Heimilt er að fresta endurgreiðslu uns lóðin hefur verið veitt að nýju, þó almennt ekki lengur en 6 mánuði frá því að lóðinni var skilað. Sama gildir ef lóð er tekin af lóðarhafa vegna vanefnda hans á byggingar-, úthlutunar- og skipulagsskilmálum. Byggingarleyfisgjald er þó aldrei endurgreitt.

8. gr.

Gatnagerðargjaldi fylgir lögveð í fasteign þeirri, sem það er lagt á, og gengur það ásamt vöxtum og kostnaði fyrir öllum veðkröfum, sem á eigninni hvíla, og tekur einnig til váttryggingarfjár hennar.

9. gr.

Bæjarstjórn er heimilt að hækka eða lækka gjaldskrána um allt að 25%.

Bæjarstjórn er heimilt að leita tilboða í tilteknar lóðir, m.a. þar sem ætlast er til að lóðarhafi annist gatnagerðarframkvæmdir að hluta, eða að bæjarstjórn hyggst kaupa hluta áformaðra framkvæmda lóðarhafa.

10. gr.

Reglugerð þessi, sem samin er og samþykkt af bæjarstjórn Hafnarfjarðar staðfestist hér með, samkvæmt lögum nr. 51/1974 um gatnagerðargjöld, til að öðlast gildi þegar í stað og birtist til eftirbreytni öllum þeim, sem hlut kunna að eiga að máli. Jafnframt fellur úr gildi reglugerð nr. 446/1975 um gatnagerðargjöld í Hafnarfirði með síðari breytingum.

Félagsmálaráðuneytið, 16. ágúst 1991.

Jóhanna Sigurðardóttir.

Pórhildur Líndal.

Nr. 388

REIKNINGUR

Innheimtustofnunar sveitarfélaga fyrir árið 1989.

Rekstrarreikningur.

Rekstrartekjur:	Kr.
Innheimtubóknun v/erlendar innheimtu	1 761 294,00
Innheimtubóknun önnur	1 359 741,00
Endurkrafinn innheimtukostnaður	5 633 487,00
Vextir	136 528 426,00
	<hr/>
	145 282 948,00
	<hr/>
Rekstrargjöld:	
Laun og launatengd gjöld	16 968 660,00
Annar rekstrarkostnaður	9 787 857,00
	<hr/>
	26 756 517,00
	<hr/>
Tekjur umfram gjöld	118 526 431,00
	<hr/>